



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil « 21 » 01 _____

02 - 22 _____-son

2020/2021 ўқув йили учун Тошкент давлат юридик университети магистратурасига тўлов-контракт миқдорини тўламаганлик сабабли дарс машғулотларига киритмаслик тўғрисида

Ўзбекистон Республикаси Вазирлар Маҳкамасининг 2017 йил 20 июндаги “Олий таълим муассасаларига ўқишга қабул қилиш, талабалар ўқишини кўчириш, қайта тиклаш ва ўқишдан четлаштириш тартиби тўғрисидаги низомларни тасдиқлаш ҳақида”ги 393-сон қарорига асосан ва Ўзбекистон Республикаси таълим муассасаларига ўқишга қабул қилиш бўйича Давлат комиссияси мажлисининг 2020 йил 25 сентябрдаги 5-сон ва 30 декабрдаги 8-сон баёнлари ҳамда қабул комиссияси масъул котибининг билдиргисига мувофиқ,

БУЮРАМАН:

1. Тошкент давлат юридик университети магистратурасига тўлов-контракт асосида талабаликка тавсия этилиб, дарс машғулотларига қатнашишга рухсат берилган, лекин ўз хоҳишига кўра магистратурада ўқимаслигини билдириб ариза билан мурожаат қилган ҳамда тўлов-контракт миқдорини белгиланган муддатда тўламаганлиги учун билдиргида келтириб ўтилган 2 нафар абитуриентлар дарс машғулотларига киритилмасин.

2. Шартномавий таълим хизматлари бўлими (А.Хундибоев) бухгалтерия (М.Парпиев) билан биргаликда:

тўлов-контракт миқдорини белгиланган муддатда тўламаган абитуриентлар билан тузилган шартномани бекор қилинишини таъминласин;

абитуриентлар томонидан тўлов-контракт миқдори белгиланган муддатдан кечиктириб тўланган тақдирда уни тегишли тартибда қайтариш чораларини кўрсин.

3. Университет ректорининг 2020 йил 9 октябрдаги “2020/2021 ўқув йили учун университет магистратурасига тўлов-контракт асосида

талабаликка тавсия этилган абитуриентларни дарс машғулотларига қатнашишга рухсат бериш тўғрисида”ги 02-144-сон буйруғи иловасидаги:

“5A240102 – Халқаро арбитраж ва низоларни ҳал этиш мутахассислиги (таълим тили – ўзбек)” бўлимининг 5-позицияси;

“5A240116 – Жиноят қонунчилигини қўллаш назарияси ва амалиёти мутахассислиги (таълим тили – рус)” бўлимининг 2-позицияси ўз кучини йўқотган деб ҳисоблансин.

4. Ушбу буйруқнинг ижросини назорат қилишни ўз зиммамда қолдираман.

**Ўқув ишлари бўйича
проректор – ТДЮУ қошидаги
академик лицей директори**



И.Рустамбеков